

至心誦呪四十九遍而諸怨惡自然退散假  
令遇之無不歡喜諸善男子此呪假令一切  
衆生或於一劫或無量劫乃至名字不可得  
聞何況得見專心念誦假令七寶象馬滿閻  
浮提猶是世間滅壞之法此陀羅尼呪能令  
衆生現世當來常獲安隱與諸如來大菩薩  
衆常為眷屬若為自身若為他人所願皆得  
是故慙懃生難遇想勿得輕慢起疑惑心  
大方廣菩薩藏經中文殊師利根本一字陀  
羅尼法

曼殊室利菩薩呪藏中一字呪王經

唐三藏法師義淨奉制譯

爾時釋迦牟尼佛在淨居天上於天衆中加  
跌正念普觀大衆而告之曰汝諸天子當至  
心聽曼殊室利童子微妙之行所謂壇場神  
呪作法所須療病護身第一祕密最上呪心  
一切如來所共宣說咸皆稱歎是大呪王若  
有善男子善女人能誦此呪者則為受持一  
切神呪汝諸天衆此大呪王無能違者假使  
曼殊室利童子菩薩摩訶薩此呪亦能隨心

自在引攝將來令使現前為作眾事况復諸  
 餘菩薩世出世間所有神呪一切障礙悉皆  
 除遣有大勇猛有大威力神驗第一諸呪中  
 上一字中尊此之一字悉能成就一切事業  
 悉能圓滿所有善法常在一切世出世間呪  
 術之上不可毀壞能九是一切佛心悉能滿足所  
 有求願汝諸天眾咸皆一心聽此不可思議  
 具大威力最上神呪即說呪曰  
 𑖀𑖄𑖅𑖆 𑖇𑖈𑖉𑖊此有四字總成一字  
 𑖋𑖌𑖍𑖎是故梵漢二體俱存  
 汝等天眾此是一切秘密中勝一字呪王

切有情無敢違者一切鬼神不敢親近一切  
 諸佛為吉祥事一切呪中最能成立隨意所  
 為一切世間作大尊勝於求財者有大自然  
 能令富盛諸瞋恚中此令慈善於諸含識悲  
 愍為性有違逆者皆悉順從要而言之凡有  
 所為悉皆成就縱不作法入壇場等直爾誦  
 持手觸彼時即便隨意呪衣著時人皆愛樂  
 見者歡喜若呪齒木用揩齒時齒疼即差若  
 患眼時取先陀婆鹽研之為末呪七遍已少  
 置眼中其痛便止若患耳者取象馬糞聚上

地菌并苕勝油先陀婆鹽各取少許呪之七遍一處研使碎絞取汁煖之滴耳孔中其痛便止若有女人將產之時被胎所惱腹中結痛不能疾出取阿吒留灑根或牛膝根取無蟲水磨搗令碎呪之七遍塗在齋下即能易出若人被射箭鏃入身不能出者可取陳酥呪一百八遍令彼飲之其鏃便出若患宿食不消腹中結痛上變下瀉霍亂畏死者可取烏鹽或先陀婆鹽或諸雜鹽類呪之七遍研碎煖水令服便差或復苦痢不能斷者取橘

柚根及槓搯根磨搗呪之七遍和水服之即差若有石女無產生法欲求男女者應取阿說健陀根以酥熟煎搗之令碎和黃牛乳呪二十五遍待彼女人身淨之時令飲其藥妻莫犯他男夫莫犯他女未久之間即便有娠或復女人斷緒附九無子經三五年或復多年或被六他禁呪或由禳禱或因諸病或他所惱或遭毒藥遇此惡緣遂無子息者應取少許孔雀尾安陳酥中煎之數沸研令相得投少石蜜量如棗許呪二十七遍服之令盡於後七

日中日日常以石蜜和乳每呪七遍飲之女  
身清淨諸病皆差即便有娠若有女人月水  
不息應以阿藍部根或以藍根一握擣之和  
乳熟煎呪一百八遍服之即差若患頭痛者  
應以烏羽呪之七遍掃拂病處即便永差若  
人患瘡或一日二日三日四日發者或常熱  
病或暫時熱病應以乳粥和酥呪一百八遍  
食之即差若人被他人禳魅蟲毒所中應作返  
緣心呪自己面一百八遍觀彼病人所患便  
差若人被邪鬼羯吒布單那等諸鬼所著或

小兒諸病但是一切非人所為共相惱者應  
呪自手一百八遍摩病人頭即眾病皆差若  
人被蛇蠍所蜇或狂狗所傷以氣急吹瘡上  
呪之七七遍即差若有人患癩病瘦病者應  
洗浴潔淨於閑靜處常誦此呪悉皆除愈凡  
誦呪之人常須遠離惡人不淨臭穢之處不  
近酒肉五辛一心受持無不驗者若有一日  
常誦一遍能護自身若誦二遍能護同伴若  
誦三遍能護一家若誦四遍能護一村若誦  
五遍能護一城若誦百遍能護一國若誦千

遍能護四天下以要言之略述如是療病護身隨時利益若更有餘所為之事皆隨意作無不成就爾時諸天大衆聞佛說此一字咒王經已歡喜奉行

若復有人志求解脫希大利益現望果證者當可至心依咒藏中作大咒法廣說如經

曼殊室利菩薩咒藏中一字咒王經

十二佛名神呪校量功德除障滅罪經

隋天竺三藏法師闍那崛多初譯

我闍那崛多 敬禮常住體 徧滿於法界

毗盧遮那佛

如是我聞一時婆伽婆住王舍城耆闍崛山中與大比丘衆千二百五十人俱復有菩薩大衆一萬二千人俱阿逸多菩薩為首爾時世尊告彌勒菩薩言彌勒東方去此佛刹有十不可說諸佛刹億百千微塵等過諸佛刹有一佛土名曰解脫主世界彼世界內有一